

第六九六冊

經濟彙編

食貨典

國用部

飲食部

(卷)

二九一—二九二

二九三—二九四

古今圖書集成

中華書局影印

欽定古今圖書集成經濟彙編食貨典

第二百四十九卷目錄

國用部彙考九

明三 穆宗隆慶四則 神宗萬曆四則

皇清一 總一則 順治八則 康熙十九則



食貨典第二百四十九卷

國用部彙考九

明三

穆宗隆慶二年工科王璽言內庫之弊太監李芳請裁米鹽勝祥請以名買川漆等物料每歲均派題辦俱允行

按續文獻通考二年正月工科王璽言內庫之弊其在外者有三曰包攬花費曰解戶私逃曰那移遲緩欲嚴擇官保籍其年貌以便稽查在內者有四曰鋪墊曰守門科剋曰茶果餽儀曰棍徒需索誣騙欲如會典所載令鋪戶辦驗錢糧每季輒易庫夫盤運看守三歲一更科道官給與印記年貌木牌方令進庫至於紙筆蓋席車價難盡革亦宜酌量扣算立為定額抽驗上庫者即用印記以防他日遺落委官其解戶在逃與係獄者歲月浸深物交必壞當先寄庫執其人付法司情有可原者赦勿治得旨俱如議行又太監李芳請裁近年所加白熟梗米四千五百石白青鹽二萬斤仍令二年後悉遵弘治例上嘉其節

費惠民允之四月太監勝祥等議將工部名買川漆廣生漆雲母石等物料舊例三年一題者均為三分令一歲一題以濟急用工部言故事三年額辦計銀九千四百餘兩有奇今三分之於例無害第川漆等料之外又加熟金漆木花樣額外徵索積之三歲數與額辦三分之一相等是三年之內暗增一年詘乏之時安可責辦惟上加意節省稍寬民力得旨均派銀兩以二年為始送監應用

隆慶三年科臣因災異疊見請勅臣下講求用人理財事宜以聞山西巡撫因上理財疏

按續文獻通考三年科臣鄭大經疏言災異疊見時事多艱宜宣召大臣商確治理及勅九卿言官并撫按講求用人理財事宜以聞

按明昭代典則三年六月山西巡撫靳學顏上理財疏

按明外史靳學顏傳學顏隆慶初入為太僕卿改光祿旋拜右副都御史巡撫山西應詔陳理財凡萬餘言言選兵鑄錢積穀最切其略曰宋初禁軍十萬總天下諸路亦不過十萬其後慶曆治平間增至百餘萬然其時財用不誦我朝邊兵四十萬其後雖增兵益戍而主兵多缺不若宋人十倍其初也然自嘉靖中即以誦之告何哉宋雖增兵而天下無養兵費我朝以民養兵而新軍又一切仰太倉舊餉不減新餉日增費一也周豐鎬漢西都率有其名而無實我朝置都之設建官置衛衛食公帑費二也宋人宗祿有置親疏然或通名仕版或散處民間我朝分封列爵不農不仕吸民膏髓費三也有此三者儲蓄安得

不匱而其間尤耗天下之財者兵也兵未增鋒摧堅旗鼓相當兵之實也卒邊兵有戰時若戍兵則終年一不當敵每盜賊竄發非陰陽警學雜職明不武則簿為之將非鄉民里保則義勇快壯為之兵在北則借鹽丁礦徒在南則精狼士此皆腹兵不足耳之囑也當限以輪番守戍之法或遠不可徵或近不可征則聽其耕商而移其食以飽邊卒免墮重而徵備省充發而輪贖亦變通之一策也欲京兵強亦宜責以輪番戍守夫京師去宣府薊鎮幾數百里京營九萬卒歲以一萬戍二鎮九年而一周未為苦也而怯者與邊兵同其勁矣又以畿輔之卒填京戍之關其部伍號令月糧犒賞亦與京卒同而畿輔之卒皆親兵矣夫京卒戍薊鎮則延固之費可省戍宣府則宣府大同之氣自張寇畏宣大之力制其後京卒之勁當其前則仰攻深入之事鮮矣臣又觀天下之民皇皇以匱乏為慮者非布帛五穀不足也銀不足耳夫銀與不可衣飢不可食不過買運以通衣食之用獨奈何用銀而廢錢錢益廢銀益獨行獨行則藏益深而銀益貴貨益賤而折色之辦益難豪右乘其賤收之時其貴出之銀積於豪右者愈厚行於天下者愈少更踰數十年臣不知所底止矣錢者泉也不可一日無計者謂錢法之難有二利不離本民不願行此皆非也夫朝廷以山海之產為材以億兆之力為工以賢士大夫為役何本之費誠令民以銅炭贖罪而匠役則取之營軍一指麾間錢徧天下矣至不願行錢者獨奸豪爾請自今事例罰贖徵稅賜賚宗祿官俸軍餉之屬悉銀錢兼支上以是徵下以是輸何患其

不行哉臣又聞中原者邊鄙之根本也百姓者中原之根本也民有終身無銀而不能終歲無衣終日無食今有司夙夜不遑者乃在銀而不在穀臣竊慮之國家建都幽燕北無郡國之衛所恃爲腹心股肱者河南山東江北及畿內八府之人心耳其人率驚悍而輕生易動而難戢游食而寡積者也一不如意則輕去其鄉偶有所激則不愛其死往往一夫作難千人響應前事已屢驗矣弭之之計不過曰恤農以繫其家足食以繫其身聚骨肉以繫其心今試覈官廩之所藏每府得數十萬則司計者安枕可矣得三萬焉猶足塞轉徙者之望設不滿萬豈得無寒心臣竊意不滿萬者多也即有水旱師旅之典將何以爲計臣近者疏請積穀業蒙允行第恐有司從事不力無以塞明詔敢即臣說申言之其一曰官倉發官銀以糴也一日社倉收民穀以充也官倉非甚豐歲不能舉社倉雖中歲皆可行唐義倉之開每歲自王公以下皆有入朱則準民間正稅之數取二十分之一以爲社誠傲而推之就土俗合人情古歲候以通其變計每歲二倉之人以驗其功著爲令而歲歲修之時其豐歉而斂散之在官倉者民有大饑則以賑在民倉者雖官有大役亦不聽貸借此藏富於民即藏富於國也今言財用者不憂穀之不足而憂銀之不足夫銀實生亂穀實弭亂銀之不足而泉貨代之五穀不足則孰可以代者哉故曰明君不寶金玉而寶五穀伏惟聖明垂意疏入下所司議卒不能盡行也隆慶四年差御史查數薊州等鎮錢糧承運庫以空劄取戶部銀尚書劉體乾疏奏之詔各邊督撫酌議

兵餉各巡按嚴追侵冒以聞
按明會典四年差御史往薊州宣大固原等鎮查兵馬錢糧各請勅行事一年一代
按續文獻通考四年正月內承運庫以空劄下戶部取銀十萬兩戶部尚書劉體乾疏京帑重寄乃以片楮取之安辯真偽乞擬前命詔如數以金進七月戶部尚書張守直言國家貢賦在量入爲出嘗考天下錢穀之數計一歲所入僅二百三十萬有奇而中多積逋災免奏蓄者一歲所出京師百萬餘而邊餉至二百八十餘萬其額外請乞者不與焉二年用四百四十餘萬三年則三百七十九萬此其最少者而出已倍於入矣近者遣四御史括天下府藏二百年所積者而盡歸之太倉然自老庫百萬之外止二百十萬有奇不足九邊一年之用國計至此人人寒心然以其大事而不敢言或舉其端而不竟其說亦未有能毅然行之者如入衛之兵無不言其當罷而今數年未決誠以邊事未寧虜患莫測異日者或有以中之也自嘉靖十八年被虜以來邊臣日請增兵本兵日請給餉蓋自五十九萬而增至二百八十餘萬士馬豈盡皆實數歟餉豈盡皆實用耶臣不敢遠舉第以近年一二鎮言之如宣府之主兵一也嘉靖四十二年發銀二萬後三年止一萬乃至今十二萬矣大同之主兵一也嘉靖三十六年發銀二十二萬次年二十三萬乃今至二十七萬又以加兵復費十一萬矣舉主兵而客兵可知舉二鎮而九邊可知天下焉得不困今即不能如國初故額亦宜考嘉靖十八年以前近事而汰其浮甚者且九邊去虜有遠近事有

緩急必盡須內帑然後足用宜令廷臣酌議減省不得過歲入常數之外臣亦移文督撫俾以歲用實數報部臣具籍以進惟陛下留神省覽其用財約於往昔者必忠臣也則有賞其糜費溢於故常者必非忠也則有罰一切出入許臣執奏上聞國計幸甚上然其言令各邊督撫從實議處以聞十一月戶部奏各省府藏運內庫京邊錢糧率被解戶攬頭侵冒有一人假充數名者有一家而擅利一省者姦認萬狀法紀蕩然今將積歲輸納乾沒分數纖悉條列共一百八十七類乞下詔切責當事臣工務體國任事法期必行庶大計有濟詔各巡按御史盡法嚴追尅期完報逾期不報者都察院查劾以聞
隆慶五年建庫密雲鎮收貯各項公費詔取光祿寺銀供禁中之用臣僚爭之減半又令部員清查中外財賦類編各司職掌新學顏泰理財之要不報
按明會典五年題准密雲鎮建立一庫每年主客年例軍門公費及修邊等項銀盡發收貯并添設該庫大使一員吏一名專掌出納
按續文獻通考五年正月詔取光祿寺銀二十萬進用寺臣及巡視科臣各疏爭之詔減其半六月戶部覆戶科梁問孟奏國初原有定額邊餉未嘗借支於內京師未嘗搜括於外蓋不加賦而用足也邇來敵壤已極官民俱困請勅戶部侍郎一員督同司屬有心計者通將中外財賦每歲增減出入之數行各處撫按官悉心議處前有可因固不必過爲裁省以傷國體後有可革亦不許濫爲糜費以損民財事完之日造冊送部聽該部及與議官員類編爲各司職掌

以定遵守仍將內府錢糧先後額首錄進覽庶費出有經而歲計可裕矣從之山西巡撫靳學顏疏言理財其略云周之鎬洛漢之西都皆空名也而我朝兩都並建官卒叢集坐糜公帑一費也宋之宗室親疎有等散處民間通名仕籍今則出城有禁入仕無階不農不商坐食常餼二費也天下之兵日邊兵日京兵日雷都兵日腹內衛所兵此四者坐食雖同而緩急則異其目曰見伍曰招募曰徵調曰清勾曰充發五者中唯見伍招募不可已也清勾充發按開則可觀責效則無實徵調以資提守而虛彼實此徒費齎送山東義勇諸省民壯原非祖制今乃俱勾攝掃除之役請徵其餉以實邊儲而京兵之不可汰者亦請責以輪番戍守之法又大行鑄錢之法以通融於五穀之外重積貯之令以制宜於豐歉之間庶其極足乎

神宗萬曆二十二年部臣上國計出入總數進呈按續文獻通考萬曆二十二年戶部遵依先朝故事錄上國計每歲終會計王府祿米公侯祿米百官俸廉沿邊腹裏軍士月糧及漕運本色折色已徵未徵天下財賦出入各數目進呈萬曆二十三年戶部疏陳各鎮破冒軍餉之弊請嚴行禁革從之

按續文獻通考二十三年二月戶部上疏陳時政之要其略云天地生財有限國家經費無窮即今內帑單調歲出浮於成額閭閻勸敵民力竭於科徵公私兼窘莫有甚於此時者顧近來各邊鎮不思額內清查稍裨實用且膏額外加添以示寬容自四十餘萬

而增至二百八十餘萬數已極矣乃餉密等鎮續又加餉四十餘萬今又增銀五萬六千有奇陝西各鎮自劉哮叛後歲增一十九萬六千有餘邊鎮添募標兵近又增銀一萬六千餘兩當此匱乏之秋更求請益此豈安社稷者之計乎臣等竊思錢糧買破全在軍馬逃亡及徵調之間以少開多亡則隱匿不報乞嚴示將領將軍丁逃故者按日扣除新補者照日報收馬匹倒失者隨即報官新買者照日收冊至於徵調軍馬逐一驗查毋容虛冒又山人墨客星相併優往往遨遊塞外攜重資以歸莫非股剝兵糧更當亟行嚴革疏上從之

萬曆二十八年工科王德完奏請停減織造營建珠玉採辦及發內帑不報

按續文獻通考二十八年八月工科王德完疏略曰國家歲入僅四百萬而歲出輒至四百五十萬有奇居恆無事已稱出浮於入年來意外之警不時之需皆因事旋加舊額如寧夏用兵甫數月約費餉銀一百八十八萬八千餘兩朝鮮用兵首尾七年約費餉銀五百八十三萬二千餘兩又地畝米豆援兵等餉約費三百餘萬兩平播之師未及期年約費銀一百二十一萬六千餘兩連川中湊辦共約二百餘萬兩婚禮珠寶等項約估銀九百三十四萬三千餘兩婚禮傳造袍服四萬一千餘正約工料銀一百萬四千餘兩陝西路紬緞織四千七百餘疋婚禮傳買投一萬二千七百餘疋共約費銀十萬餘兩磁器節傳二十三萬五千件約費銀二十餘萬兩挑三仙口趙家園等處約費銀二十四萬餘兩而省直災傷欠投價

料銀一百二十四萬五千餘兩又欠廚料銀九萬六千餘兩積而養之亦既二千六百餘萬矣當帑空之時而講濟虛之策惟有節省一字最為喫緊臣請減織造以拯民命止營建以贍邊儲俾珠玉以垂燕翼審採辦以濟國用發內帑以救燃眉疏上不報萬曆二十九年戶部以內庭經費取給部中奏請分別內外動支詔今年借老庫銀准開銷又皇子冠婚需用金器令戶部辦進

按續文獻通考二十九年十月戶部奏御用監把總張潤澤等題計慈聖宣文明肅皇太后尊上徽號合用金兩寶石珍珠等料緣由奉旨戶部知道臣等隨行太倉銀庫備查在庫銀兩以便給商辦進據庫回稱見貯庫銀止有五千餘兩奉制該發進過珠寶價銀尚欠四十餘萬該發題准解邊餉銀兩尚欠一百四十餘萬無銀可發及查老庫止有銀一百十萬等因臣等竊計該監今疏珠寶價銀不下二十五萬大禮吉期已迫並無堪那銀兩且各商人因欠冠婚價銀四十餘萬一聞此旨魂搖神喪鳥驚魚逃絕無蹤影臣等設法招徠無一不至者不得已許借老庫銀十萬給發旋收金兩珠寶等項於本月二十六日隨數解進該監乃猶求多未已夫此老庫銀兩者自祖宗北遷以來近二百年僅積此數原備非常之急故非至緊至迫萬無借動之理乃今安常處順輒動此銀可謂無策之甚隨查皇上臨御以來兩上聖母徽號並無下部置買錢糧之例自十年九月內接到承運庫手本催云當年例金兩未到內稱恭遇尊上兩宮徽號合用金兩字樣則金兩出於該庫可知而珍珠

寶石可例見矣乃今次盡下本部辦進不思本部原無此項額銀又無歲辦舊例剝部帑罄竭如洗以九邊餉銀欠及一百四十餘萬尚不敢借老庫今以創辦借老庫銀豈臣等喪心乎况該監原供內庭經費若一應典禮不支庫貯仍令本部辦進無乃肥內以瘠外損不足以益有餘乎伏乞聖恩重念國計艱難臣等萬分難措將借動老庫銀十萬兩准與開銷其未完之數及今後典禮通令該庫辦發若一應軍國需用臣等殫力支撐庶內外均平獲免後艱矣奉旨是今歲借動老庫銀兩准開銷 又按續通考二十九九年九月傳奉聖諭朕皇長子容貌允實書做進益其諸皇子年齡漸長開立冠婚典禮朕昨朝聖母面奏舉行聖心嘉悅卿便傳諭禮部擇日具儀來行又傳諭冊封皇三子福王皇五子端王皇六子惠王皇七子桂王合用平天冠皮弁服袞服玉束帶玉華帶金網巾圈金盆罐器皿等件該用各成色金二萬五千二百六十一兩四錢四分計開金冊金寶五副計二塊大紅織金紵絲觀禱華大紅織紵絲表紅絹裏夾袍祇金錢金龜鈕寶五顆線綫條金寶池五個銀雲龍寶箱寶池箱十個大紅織金紵絲觀裏線條金渾金盪松雲龍冊匣五個大紅紵絲觀裏絨綿墊褥金鎖鑰事件全大紅平羅銷金雲龍表紅絹裏夾袍祇大小二十六件條紅直皮袈雲龍藩金寶匣中套五個大紅紵絲觀裏鐵減金鎖鑰事件研線描金雲角葵花寶匣外套五個大紅織金絹觀裏黃銅鎖事件大紅線條金盛用紅漆木櫃五個紅絹觀裏黃鎖鑰事件紅絨索木扛全戶部辦送造足色金五千

兩八成色金三千九百八十兩七成金一千七百五十兩是月倉場總督趙世卿奏庫銀萬分緊急懇乞聖明速為計處以消隱憂以裨軍國大計事本月二十日據管太倉銀庫員外羅天綱呈稱商人陳剛等珠玉價銀三十餘萬在今庫止有五十餘萬欠各邊銀一百四十八萬九千餘兩又欠光祿寺錢鈔銀一萬五千餘兩錦衣衛冬衣布花一萬三千八百餘兩各衙門俸銀一萬五千餘兩三大營馬匹草料銀九千餘兩各無從給伏乞勅下該部作速從長計議務俾一月之內盡完此一百四十八萬之邊餉則疆圉未寧宗社寬安上下其章於戶部

大清光緒十年九月必存
錄字今始照原本錄入

按續通考原本多
有錯誤如本年發

皇清一

大清會典戶部庫藏京庫

國初錢糧統歸戶部順治七年分屬各部寺收支

康熙三年改為地丁一條鞭法一應錢糧仍歸

戶部總理其京庫設滿司官掌稽出納凡解納

支給規條備列於後

金銀庫凡直省解到地丁正雜銀兩及金珠玉

石俱送本庫收

絳正庫凡各省解到絨緞布疋皮張麻筋等項

俱送本庫收

顏料庫凡各省解到硃砂黃丹沈香降香併紙張等項俱送本庫收 以上三庫俱在戶部衙門順治元年止設後庫一十二年分為三庫

裏新庫凡絳疋併遠年藥料青藍雜紙等項俱本庫收貯

供用庫凡江浙解到白熟梗米送本庫收

內府及各衙門併寺廟等處應用黃白蠟各項香

料麻油戶部查給本庫辦造

承運庫凡遠年紙張俱本庫收貯

甲字庫凡各省解到黃蠟桐油芽茶烏梅黃紅

熟銅靛花光粉錫等項俱送本庫收

乙字庫凡各省解到布麻等項併遠年紬緞絲

綿棉花麻雜香俱本庫收貯 以上五庫俱分

屬本部三庫兼管西安門內舊有十庫曰承運

庫甲字庫乙字庫丙字庫丁字庫戊字庫廣積

庫廣盈庫天財庫賦罰庫順治初惟存承運庫

甲字庫乙字庫丁字庫屬戶部戊字庫廣積庫

屬工部其丙字庫廣盈庫天財庫賦罰庫皆廢

至太倉庫舊建朝陽門內今亦廢

凡外國進貢禮物有交送

內庫者有存貯

盛京庫者有收貯戶部庫者隨時酌議撥收

本色錢糧

國初直省錢糧應徵解本色物料款目最繁後因地方辦買起運供應維艱額議酌減凡係

上用及京城無從購辦者仍解本色若係緩用及易

於採買者俱令折銀解部實屬便民之政至歲額多寡隨時損益云

內務府總管掌

內府大小諸事凡財用出入祭祀宴饗差服賜予

刑法工作之事皆令總理

廣儲司郎中員外郎主事分掌庫藏儲蓄經費

之事

銀庫管收造金銀珠寶玉綠松石珊瑚等物

裘庫管收造貂皮狍皮獬狽獾水獺狐皮多羅尼嗶

吱緞倭緞縐紗茶燈磁器等物

緞庫管收藏緞布金線絨絨香藥等物及染造

各色

衣庫管收造暖涼帽鑲綢裘朝服等物

凡親王分封公主下嫁應給賜珠寶金銀器皿

袍服袖緞布疋及牲畜糧莊等項俱臨時候

旨分賜

凡每年供辦

太皇太后

皇太后壽誕所獻金銀珍珠緞疋等物

凡每年製造

皇上禮服四時衣服

皇太子皇子公主等四時衣服

凡每年供辦

太皇太后

皇太后

皇后

皇貴妃

貴妃

妃

嬪等應用定數緞疋皮裘金線絨絨等物

凡

皇后

皇貴妃

貴妃

妃

嬪等冠服俱照禮部定式成造

凡朝鮮安南琉球等國進貢金銀絨疋涼蓆紙

張香蛤蚌蠅蠟等物由禮部轉送收貯

凡需用貂皮狍皮獬狽獾皮羊皮黃銅紅銅錫絲

沈香茶葉紙張等物於戶部各取其寬帛礪砂

等項於工部各取每年核算奏銷

凡四庫舊存新收現用實剩各項錢糧每年終

造冊奏銷

凡外藩公主倍額駙歸寧公主之子孫小貢國

戚王貝勒公台吉年終朝覲或小貢及郡主縣

主額駙等來朝俱

恩賞衣服緞疋等物有差

凡外藩蒙古王貝勒貝子公台吉他布囊等年

終朝覲隨使賞資衣服

凡外藩四十九旗喀爾喀厄魯忒等國進貢方

物從該衙門啓奏咨文到日估價議賞

凡外藩貢使喇嘛等除回賜外賞給銀緞服物

有差

凡大臣侍衛等進獻駱駝馬驢俱估計給賞銀

兩級疋有差

凡統兵出征王公將軍等各隨時給賞

凡奉差外藩及遣往招撫官員各隨時給賞

凡投誠官員土司及喀爾喀厄魯忒王貝勒等

各隨時給賞

凡給賜冠袍貂鑲朝服每年內庫預備冠袍貂

鑲朝服自和碩親王以下入八分公以上有未

得者賜與灰色元狐冠袍其兩翼排坐大臣有

未得者賜與元狐冠袍立蟒緞貂鑲朝服其侍

衛等有未得者照品級賜與一等侍衛參領冠

軍使等賜與貂鑲槍刺緞蟒緞貂鑲朝服二

等侍衛雲麾使等賜與紅豹袍有補腰緞貂

鑲朝服三等侍衛治儀正等賜與狐皮袍有補

緞貂鑲朝服若領賜王貝勒貝子公等亡故其

子孫不得擅服請

旨令其服用者方敢服用若班次無名在別旗下都

統滿漢尚書經筵講官有奉特

旨者亦賜與冠袍貂鑲朝服

凡給賜衣服辛者庫掌管內事男婦各項匠役

掌管外事男婦採蜂蜜壯丁遊牧男婦等每年

支給布疋棉花羊皮襖

凡看守

宮殿門

陵寢太監首領等每年支給緞布衣帽等物

凡治辦

奉先殿祭品廚役等每四年支給羊皮襖一次

凡執帶器械人夏季服小立蟒紗袍春秋小立

蟒袍袍冬季小立蟒緞羊裘牽對馬人等各服蟒袍俱本司製交鑾儀衛收給

凡

盛京各莊徵收布疋棉花靛鹽存貯支用每年終令造冊報銷

會計司凡各莊所報糧內均派雜糧交各包衣

大收貯倉內依次備用

凡撥補新設莊頭料豆穀草每年於各莊取料豆五十石穀草十萬束收貯備用

凡各莊所納糧查明舊存新收用過餘剩之數

每年奏銷一次

凡內廩館飼馬豆稻酌量均派徵取每豆稻十六束折糧一柳斗於所納糧內抵除

凡說

盛京糧莊每莊俱照定限納糧一百二十石若遇

災荒據掌關防佐領所報輕重分別奏請另定

納數本處飼養羣馬雜項錢糧俱酌量用數於

各莊派取每年終將所納糧併用過餘剩數目

一併造送轉奏其賞罰編審壯丁等事俱照在

內糧莊例

凡設立菜園均分於各渾托和照渾托和進米

次序備菜以供

內用每包衣大各值二日供應

凡

宮殿等處所用黃白蠟燭併看守各處所用黃蠟

燭俱值月包衣大按月詳查一次將應用數目

移文該司於戶部取用

凡

內用食鹽每年十二萬斤俱包衣大管理收給將用過餘剩之數每年詳查一次移文該司奏請

於戶部取用

凡籍沒家產人口田地本司收取奏請酌量撥

給

凡虞人按丁給地徵銀所進禽獸等項都虞司

估計折算地畝錢糧

凡畜蜜人按丁給地徵銀所進蜜每斤計銀七

分折算地畝錢糧若所進者多以青布給賞

凡納革人按丁給地徵銀所進革每斤計銀三

釐五毫零折算地畝錢糧

凡投充壯丁各按响地徵銀及草其應用蘆葦

麻線麻繩等物亦與投充人取用估價折算地

畝錢糧

凡所徵銀兩交廣儲司草交廩館蜜葦蘆葦麻

線麻等物交包衣大

順治元年

大清會典內務府會計司三旗經管錢糧順治元年

令原給地畝之人併帶地投充人歸併於各漢

軍佐領下催徵錢糧草交該管官處收貯

順治年

大清會典戶部庫藏京庫凡解納順治初定直省起

解本折物料到部各該司查驗移文掌庫司官

照數秤驗貯庫出給庫收付覆各司

順治七年

大清會典戶部庫藏京庫凡解納順治七年今凡屬

內庫錢糧俱歸併戶部管理

順治十二年

大清會典戶部庫藏京庫凡解納順治十二年題准

掌庫司官司庫每年終將收放錢糧造冊到部

核算

順治十三年

大清會典戶部庫藏京庫凡解納順治十三年議准

各省金花銀并本折絲綿絹疋等項錢糧歸

內承運庫收

順治十四年

大清會典戶部庫藏京庫凡解納順治十四年題准

各省本折顏料布疋等項歸各監院局收

順治十六年

大清會典戶部庫藏京庫凡解納順治十六年令顏

料庫屬內監衙門管理 又覆准絲綿絹疋等

項已經戶部該司揀驗堪中者該庫不許覆驗

延挨刁謬多收違者治罪

順治十八年

大清會典戶部庫藏京庫凡解納順治十八年令內

監所屬顏料庫供用庫甲字庫乙字庫丁字庫

俱歸還戶部管理

康熙五年

大清會典內務府廣儲司凡外藩年終朝覲賞資衣

服康熙五年題准賞親王立蟒緞貂裘郡王立

蟒緞狐裘貝勒蟒緞狐裘貝子公台吉他布囊

都統等蟒緞羔裘各一襲

康熙七年

大清會典內務府會計司凡

內用米糧康熙七年題准每年於戶部以柳斗取水稻米二百石

康熙八年

十月初四日

上諭戶部朕巡幸田獵之處一切御用等項俱係各該衙門由京城備辦供用毫無取於地方除內

廄馬匹不用草料其部中應差馬匹所需草料亦屬不多向來聞有地方官員指稱御用科派

民間各物伺候既不便銷算又不退還民間貪污官吏侵肥入己以致小民苦累殊違法紀以

後著嚴行禁止如地方有司仍有借端科派者著該管官嚴加稽察題參重處如該管官不行

參奏或別經發覺將該管官一併治罪爾部即通行嚴飭仍刊示曉諭遵行特諭

大清會典內務府廣儲司凡大臣侍衛等進獻給賞

康熙八年

諭嗣後大臣侍衛等進馬應賜鞍者先行請

旨再議估價

會計司糧莊康熙八年題准各包衣大所用雜

項米糧不敷酌量奏請於戶部支取三年終查

核節用而餘多者包衣大及掌倉人一併獎賞

濫用而缺少者包衣大及掌倉人一併治罪

康熙十年

大清會典內務府會計司凡

內用米糧康熙十年題准結稻米酌量所用數目於戶部取用

康熙十一年

大清會典內務府會計司凡

內用米糧康熙十一年題准於戶部增取水稻米一百五十石

康熙十四年

大清會典戶部庫藏京庫凡解納康熙十四年議准

管庫官員庫內物件不行因貯以致烏林人等偷盜者降一級調用罰俸一年

康熙十五年

大清會典內務府廣儲司成造康熙十五年題准

皇后墊坐用鳳凰黃粧緞行禮褥前用黃素緞後用

黃布

貴妃墊坐用金黃粧緞行禮褥用金黃素緞

嬪等坐褥行禮褥用金黃素緞

康熙十六年

大清會典內務府會計司凡

內用米糧康熙十六年題准於戶部以柳斗取白

老米三百石供用

三旗經管錢糧康熙十六年將三旗經管錢糧

官員歸併會計司稽查各司其事焉

康熙十七年

二月初九日

上諭戶部錢糧關係國家大計年來各處兵馬需用

糧餉最為浩繁在外總督巡撫及經管錢糧各

官俱宜潔己奉公殫心料理一應支放開銷務

須嚴加稽核詳慎節省方於軍國有裨近見各處奏銷或製備物料並不先行題明藉口軍機

緊急濫請銷算或不行察核重複支給又不為

扣抵或朦混重領希圖利己致滋糜費以及侵

欺浮冒種種弊端難以枚舉以後應作何嚴行

禁飭處分爾部會同吏兵工三部詳議定例具

奏特諭

康熙十八年

大清會典內務府會計司凡喂養羣馬草料康熙十

八年令派各廄館料豆時將料豆倉米各半發

給

康熙二十年

大清會典內務府會計司凡設立菜園康熙二十年

題准各處園地每年委包衣大二員專管親驗

取給會計司按月查核若於定額外浮取及將

所送之物不即收領與收取不堪用等弊發覺

者將專委管理之包衣大治罪

康熙二十五年

大清會典戶部庫藏本色錢糧康熙二十五年直省

解部本色

直隸花絨一萬七千三百三十二斤一十五兩

芝麻五百一十石牛角一十六副一隻黃樺木

二千四百二十斤蒲杖二千一百六十三斤一

十一兩二錢

江蘇布政司綿布二萬七千三百六十八匹七

尺三寸六分三毫黃白絹一百五十四匹一丈

二寸農桑絹一十三匹二丈一尺九寸四分九

釐九毫黃絲絹二十二匹九分三釐六毫生絹六百九十三匹五尺一寸四分六釐八毫三梭

三線布二千四百九十八匹一丈六尺八寸六分五釐四毫三稜二線布二千四百九十八匹一丈六尺七寸九分三釐三毫光粉二千五百二十四斤六兩五錢二分一釐七毫零烏梅一千一百三十六斤二兩七錢二分四釐零靛花青二千六十八斤四錢七分八釐零黃熟銅二千九百九十三斤九兩八錢八分四釐零紅熟銅六千三百一十斤一十三兩一錢五分四釐零錫六千二百三十八斤一十一兩五錢三分五釐六毫桐油七千七百二十八斤九兩七錢二分九釐八毫黃蠟一萬二千九百六十四斤九錢五釐零芽茶八千四百八十四斤九兩一分零燈草五百斤白麻一萬六千二百八十四斤一兩七錢八分一釐零銀珠一千五百九十四斤二兩七錢五釐零賦珠五千五百四十一斤一十二兩一錢八分五釐零臘黃二百四十四斤一十四兩九分九釐零白蠟一百五十斤魚線膠八百一十斤一兩二錢一分九釐零熟鐵二千六百六十五斤一十五兩一錢四分五釐零明礬二千七百六斤一十四兩八錢九分零

安徽布政司生絹一千二百八十六疋四丈九尺七寸二分三釐零絲絹一百四十七疋二丈七尺九寸五分零苧布三百疋農桑絹一疋四丈八尺三寸九分零稅絲絹一十二疋三丈九尺七寸零銀珠一千二百三十五斤一十兩五錢五分零賦珠四千九百七十八斤五兩八錢

九分四釐零臘黃六十二斤一十二兩六錢六分四釐零烏梅九百二十九斤二錢五分八釐零桐油五千七百八十九斤三兩九錢一分九釐零錫七千七十六斤七錢三分七釐零黃蠟一萬七百六十一斤二兩七錢二分九釐零芽茶一萬一千二百三十七斤一十四兩一錢五分五釐零白麻一萬四千八百二十斤一兩六錢六分零魚線膠一千一百七十七斤七兩四錢黑鉛七百四十一兩七錢三分六釐八毫狐皮二十一張零榜紙一萬六千四百八十一張零熟鐵六萬八千二百一十四斤二兩八錢靛花青九百八十三斤三兩三錢九分七釐零白蠟三百五十斤光粉二千二百一十四斤一十一兩三錢四分七釐零黃熟銅二千一百七十三斤九兩七錢七分七釐零紅熟銅三千三百二十六斤八錢三分七釐零吐絲二斤一十兩八錢明礬二千二百五十斤一十五兩五錢三分八釐零

浙江布政司絲綿二百斤白絲五千斤黃絲四千斤杭紬五百匹烏梅七百一十斤八兩五格子四百一十八斤片兒紅土_{每斤}一千一百八十六斤黃熟銅一千六十四斤黃蠟七千二百六十四斤黃茶一百二十隻芽茶七千四百七十六斤熟鐵六萬七千一百一十六斤

江西布政司苧布五千四百九十六匹一丈黃蠟四千一百五十八斤一十五兩九錢一分六釐零白蠟七千七百九十斤一十兩六錢三分

二釐零銀珠五百八十九斤四兩九錢三分六釐零二硃五百二十四斤一十一兩一錢四分零五格子二百九十七斤三兩三錢五分九釐零烏梅五百五十二斤六兩八錢一分五釐零明礬一千九十一斤五兩三錢一分三釐零錫二千二十八斤六兩八錢七分八釐零紅熟銅一千六十斤二兩九錢五分五釐零桐油二千二十八斤四兩二錢六分九釐零紫草八十一斤四兩

湖北布政司黃蠟一千八百三十七斤八兩湖南布政司黃蠟一千八百三十七斤八兩硃砂七十斤一十五兩九釐零

福建布政司銀珠三百二十八斤一十二兩二錢賦珠一千二百一十五斤七兩三錢五格子三百六十七斤五兩白蠟九千六百七十八斤一兩黃蠟五千五百七十八斤一兩三錢桐油一千四百五十斤八兩黃熟銅五百二斤一兩七錢錫二千二十九斤三錢烏梅六百八十二斤黑鉛五萬五千一百五十七斤四兩芽茶四千七百一十七斤一十三兩沈香一百斤降真香五百斤

山東布政司闊白綿布二千三百匹黃丹一萬七百八十六斤黃蠟六千三百六十斤槐花四千四百四十斤水膠二千七百五十一斤黃熟銅六百九十三斤紅熟銅一千七百二十斤八兩花絨一萬四百九十二斤牛角九百七十六副零芝麻五百五十斤石牛筋六百斤紅花二千斤

山西布政司生素絹五百匹農桑絲絹三百匹
黃熟銅八百六十六斤錫一千八百三十九斤
黃蠟二百八十三斤水膠二千七百四十九斤
明礬二千二百六十三斤五倍子三百八十斤
茜草九百六十斤二兩六錢零毛頭紙二十五
萬張

河南布政司闊綿布四千匹花絨三千五百二
十三斤黃丹二千七百五十四斤明礬六百七
十八斤八兩光粉一百二十六斤黑鉛五萬六
千一百一十二斤紅熟銅一千八百六十斤黃熟銅
一千五百三十三斤牛筋一百九十五斤黃蠟五千
三百七十五斤白芨二十一斤芝麻一百五十
石牛角四百七十副

陝西華昌布政司茜草一千三百一十六斤三
兩七錢六分零鋪銀一兩七錢
鋪銀一分一釐七毫零

廣東布政司白蠟一萬一千八百六十七斤七
錢六釐零芽茶四千七百一十一斤一十二兩一分
八釐零廣膠二千八十斤六兩七錢一分魚線

膠九百二十六斤黃蠟一萬三千九百一十九
斤一十五兩五錢八分錫五千七百九斤三兩
四分銀珠一千四百五十斤一十五兩六錢貳
珠五百一十五斤七兩二錢八分紫榆木九段
每段長八尺花梨木九段每段長七尺重
重二百斤沈香
一百斤降真香五百斤

廣西布政司生銅一萬二百一十八斤零魚線
膠九百八十斤零熟鐵三萬六千六百一十三
斤

康熙三十年

十一月十三日

上諭內閣黑龍江軍士及船戶人役以每歲耕稼穀
尚不支奏請若以此爲例每歲給發而所貯之
穀有限遇需用米石時必致匱乏遺戶部賢能
司官一員會同黑龍江將軍副都統應作何核
減給與詳議奏聞

康熙三十一年

五月初一日

上諭大學士伊桑阿阿爾泰張玉書尚書馬奇侍郎
凱音布學士傅繼祖溫保王國昌王尹方王拔
李椿閣山西平陽府等處雨水協時年麥豐收
其直必賤可遭賈能官員往彼購買預爲積貯
不惟有益於民異日備有需用亦得所資矣可
令九卿詹事科道會議以聞

康熙三十二年

三月二十六日

上諭內閣見各省解送物料其中亦有無用者亦有
此間購買價輕而可得者其下戶部詳議其當
解不當解者具以聞將以紓吾民焉

康熙三十九年

九月二十一日

上諭工部內廷除賞賜外一應工作費用每月需銀
不及千兩在外雜項工程何以每月輒用至數
萬此中豈無估計浮多支取扣尅之弊觀工部
每遇工程所派官員皆係瞻徇情面請託之人
其具題檔案止列總數未詳開細數且修造不

堅於三年內倒塌者亦未定有監修官賠補之
例在工官員皆苟且塞責餘剩錢糧惟務侵冒
入己國家官帑豈可如此虛糜此後凡遇工程
必簡選賢能司官引見點用務令堅固修造若
三年內倒塌亦應定例令其賠補每月具題檔
案將派修工程司官姓名及物料估計支用錢
糧逐一詳明分析細數造冊奏聞備有估計浮
多支取扣尅等弊察出定行重處

康熙四十五年

十月二十一日

上諭戶部錢糧支用太多理當節省否則必致經費
不敷彼時又欲議開捐納乎每年有正項蠲免
有河工費用必能大加節省方有裨益前光祿
寺一年用銀一百萬兩今止用十萬工部一年
用二百萬兩今止用二三十萬必如此然後可
謂之節省也

康熙四十七年

二月二十一日

上諭工部河工動用錢糧輒以數萬數十萬計河官
當估計時故行浮估以爲日後節省之地此皆
河工積弊嗣後凡有修理工程河道總督務親
詣察勘確估奏聞不可一任河官浮冒侵帑

康熙四十八年

十二月十九日
上諭都察院光祿寺用過錢糧一兩月內令即核明
奏銷前屢下諭旨甚明今年三月內用過錢糧
至今始行奏銷如此則今年用過錢糧必推諉

至於明歲事關錢糧豈可遲延這遲延緣由著
都察院嚴加察議具奏其本年四月以來用過
錢糧著該衙門年內作速核明奏銷

欽定古今圖書集成經濟彙編食貨典

第二百五十卷目錄

國用部彙考十

禮記 王制

國用部總論一

易經 節卦

禮記 大傳

管子 立政

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

不過禮少有所殺也通三十年之率當有九年之蓄出謂所當給爲祭則算今年一歲經用之數用其什一正義曰此至以樂一節論家宰制國用

及年之豐耗并喪祭及所蓄積之法用謂制國之用凡制國用多少必計地小大又視年之豐耗若地大年豐則制用多地小年耗則制用少先以三十年通融之法雷九年蓄外計見在之物以制國用每年所入分爲四分一分擬爲儲積三分爲當年所用二年又留一分三年又留一分是三年總得三分爲一年之蓄通三十年之率當有十年之蓄也云出謂所當給爲者給謂給百官賓客及民人也爲謂爲造國家器物也知用今年一歲經用者以下文云喪用三年之仿此直云數之仿故知是一歲之仿也又知仿爲什一者以仿是分散之名故考工記云以其爲之仿損其數後註仿謂三分之一此云什一者以民稅一歲之十一則國祭所用亦什一也此謂當年經用之內用其什一非是通計擬三年儲積之蓄也故鄭云一歲經用之數也

長樂劉氏曰三代以前天下無兵莫非卒伍其民以爲軍師以守邦土是以欲固其國者先保其民什一之法行則其民有以自養也凶旱水溢凶年薦至民闕其食則國有九年之蓄所以保民而固國也用地小大者欲知萬民多寡之實也視年之豐耗者以裁國家費用之宜也通以三十年所入之數則豐耗在其中矣即其通數以爲禮制則三十年內雖有凶荒而國用亦不匱矣又有九年之蓄在外所以防大凶災保育其民者也

嚴陵方氏曰周官大宰以九式均節財用則制國用存乎家宰明矣制國用制其多少之數也然國之用資於財財之成繫乎歲歲之功見乎末故制國用多少之數必於歲功之杪也以歲之功見乎末猶木實成乎杪五穀即黍稷菽麥稻也先後固不齊矣故必五穀皆入然後可以制國用也歲之杪則五穀皆入矣申言之者以見百貨之用制之者以五穀爲之主也用地小大視年之豐耗者地小而所出之物多則由平年之豐地大而所出之物少則由平年之耗故用地小大以視年之豐耗也必視年之豐耗將以制國用故也必以三十年爲期者舉一世言之而天時人事大略可知矣上言制國用於歲之杪此以三十年之通者蓋爲比年之常法則以三十年之通權一歲之宜則於歲之杪而已量入以爲出者量三十年所入之多少爲比年國用之節也

馬氏曰蓋歲之杪者萬物以成方此之時而九賦皆入焉故周官以九式均節財用必在於九賦之後也國之用則在於財而財之所出則在於地地之所生則本於天時地之所出有多寡而天時之所成亦有多寡故曰用地小大視年之豐耗蓋禮之大倫以地廣狹而以爲常也禮之厚薄以年之上下而以爲變也周官以九式均節財用而喪祭居其二焉故王制止言喪祭者舉其重者而言之也喪則用三年之仿祭則用數之仿何也蓋祭則有常典而喪者出於非常之變也出於非常之變故喪三年則不祭非特哀有所隆而祭有所不暇也抑亦見財費之不可無

食貨典第二百五十卷

國用部彙考十

禮記 王制

國用部總論一

易經 節卦

禮記 大傳

管子 立政

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

管子 地員

經濟彙編食貨典第二百五十卷國用部

第六九六冊 之〇六葉

節國之用非止於喪祭而以喪祭爲重 四明沈氏曰古之理財者論天而不論人圖遠而不圖近今之理財者立爲一定之法而不計天時之如何以無常之天時而應有常之供賦民何得不窮哉圖於目前不暇給之計而不計後日水旱之如何以不可測之水旱而處以苟簡倉卒之調度國何得不困哉此家宰所以待歲之杪而始制國用而不敢立爲一定之法以三十年之通制國用而不敢止爲目前之計也

喪三年不祭唯祭天地社稷爲越綽而行事喪用三年之仿喪祭用不足曰暴有餘曰浩祭豐年不奢凶年不儉國無九年之蓄曰不足無六年之蓄曰急無三年之蓄曰國非其國也三年耕必有一年之食九年耕必有三年之食以三十年之通雖有凶旱水溢民無菜色然後天子食日舉以樂

喪大事故用三歲之什一暴猶耗也浩猶饒也不奢不儉常用數之仿也民無食菜之饒色天子乃日舉以樂侑食 物被殘暴則虛耗故云暴猶耗也浩者是多大之義故云浩猶饒也凶旱謂凶荒遭旱也水溢謂水汎溢若貯積滿九年之後則腐壞當隨時給用也 說集長樂劉氏曰以三年之仿共於喪祭斯亦足矣踰禮越中殘暴其物傳有不足者故曰暴也儉於禮而不盡其財故曰浩浩謂財有餘而禮不足也 嚴陵方氏曰易言大衍之數也揲之以四以象四時歸奇於扚以象閏蓋扚者指間也揲者而四分之奇則歸之於指間故也此所謂仿亦四分之一爾數之仿則一年所用四

分之一也三年之仿則三年所用四分之一也祭之用數而寡故用一年之仿喪之用疏而多故用三年之仿亦各稱其宜而已喪三年不祭則不以吉事干凶禮也唯祭天地社稷則不以所親廢所尊也 馬氏曰禮之厚薄與年之上下豐年則用豐年之仿凶年則用凶年之仿豐年而加於仿之外則謂之奢凶年而略於仿之內則謂之儉乃所以與年之上下也

國用部總論一
易經

節卦

彖曰節以制度不傷財不害民

程聖人立制度以爲節故能不傷財害民人欲之無窮也苟非節以制度則侈肆至於傷財害民矣本極言節道 全大建安丘氏曰聖人體節之義立爲制度量入爲出無過取無乏用有損己益人之實而無剝下奉上之事故不傷財則不害民矣

繫辭下傳

何以聚人曰財理財正辭禁民爲非曰義

全大平庵項氏曰財者百物總名皆民之所利也正辭謂殊貴賤使有度明取予使有義辨名實使有信蓋利之所在不可不導之使知義也

大傳

庶民安故財用足財用足故百志成 禮上無淫刑濫罰則民手足有所措各安其業故

財用得足也百姓足君孰與不足天下皆足君及民人百志悉成是謂倉廉實知禮節衣食足知榮辱禮節風俗於是而成所以太平告成功也 說集嚴陵方氏曰有愛人之心則刑不濫故庶民安其生而樂其業則農者生財於田野商者通財於道路而足以致其用故養生送死無憾而百志成也 東萊呂氏曰庶民安謂民有定居而不上擾之則可以生殖財用上既愛下下亦愛上此是第一件其次歡欣奉上樂輸其財和氣感召則時和歲豐萬物盛多財用足故百志成者雖有此志而無財以備禮則志不成財用既足則祭祀合族皆可舉矣所謂萬物盛多能備禮也

少儀

國家靡敝則車不雕幾甲不組簾食器不刻鏤君子不履絲屨馬不常秣

鄭靡敝賦稅重也雕畫也幾附纏爲沂郭也組簾以組飾之及給帶也詩云公徒三萬貝冑朱綬亦鎧飾也 禮此一節明國家靡敝減省之禮君造作侈靡賦稅煩急則物凋敝或以靡爲糜謂財物糜散凋敝車不雕畫漆飾以爲沂郭甲不用組以爲飾及給帶給帶謂以組連甲及爲甲帶鄭以給帶解經滕字縻約也引詩魯頌閟宮文貝冑謂以貝飾冑朱綬綴之也絲屨謂絢纁純之屬不以絲飾之 說集山陰陸氏曰言國家靡敝則所乘所衛所養所履所御皆貶 嚴陵方氏曰幾微也雕刻以微爲工組猶縷之用組簾猶邊之有簾皆所以約而絀之因爲車飾食器若木者爲刻金者爲鏤馬

食穀曰秣五事必以車馬為始終者蓋車馬在禮為重故年不順成則大夫不得造車馬

管子

立政

度爵而制服量祿而用財飲食有量衣服有制宮室有度六畜人徒有數舟車陳器有禁修

樞言

王主積於民霸主積於將戰士哀主積於貴人亡主積於婦女珠玉故先王慎其所積

臣乘馬

桓公問管子曰請問乘馬管子對曰國無儲在令桓公曰何謂國無儲在令管子對曰一農之量粟百畝也春事二十五日之內桓公曰何謂春事二十五日之內管子對曰日至六十日而陽凍釋七十日而陰凍釋陰凍釋而秣稷百日不秣稷故春事二十五日之內耳也今君立扶臺五衛之衆皆作君過春而不止民失其二十五日則五衛之內阻棄之地也起一人之繇百畝不舉起十人之繇千畝不舉起百人之繇萬畝不舉起千人之繇十萬畝不舉春已失二十五日而尚有起夏作是春失其地夏失其苗秋起繇而無止此之謂穀地數亡穀失於時君之衛藉而無止民食什伍之穀則君已藉九矣有衛求幣焉此盜暴之所以起刑罰之所以衆也隨之以暴謂之內戰桓公曰善哉策乘馬之數求盡也彼王者不奪民時故五穀興豐五穀興豐則士輕祿民簡賞彼善為國者使農夫寒耕暑耘力歸於上女勤於織微而織歸於府者非怨民心傷民意高下之策不得不然之理

也桓公曰為之奈何管子曰虞國得策乘馬之數矣桓公曰何謂策乘馬之數管子曰百畝之夫予之策率二十七日為子之春事資子之幣春秋子穀大登國穀之重去分謂農夫曰幣之在子者以為穀而廩之州里國穀之分在上國穀之重再十倍謂遠近之縣里邑百官皆當奉器械備曰國無幣以較幣幣國穀之橫一切什九還穀而應穀國器皆資無藉於民此有虞之策乘馬也

乘馬數

桓公問管子曰有虞策乘馬已行矣吾欲立策乘馬為之奈何管子對曰戰國修其城池之功故其國常失其地用王國則以時行也桓公曰何謂以時行管子對曰出准之令守地用人策故開闢皆在上無求於民霸國守分上分下游於分之間而用足王國守始國用一不足則加一焉國用二不足則加二焉國用三不足則加三焉國用四不足則加四焉國用五不足則加五焉國用六不足則加六焉國用七不足則加七焉國用八不足則加八焉國用九不足則加九焉國用十不足則加十焉人君之守高下歲藏三分十年則必有五年之餘若歲凶旱水洸民失本則修宮室臺榭以前無狗後無兔者為庸故修宮室臺榭非麗其樂也以平國策也今至於其亡策乘馬之君春秋多夏不知時終始作功起衆立宮室臺榭民失其本事君不知其失諸春策又失諸夏秋之策數也民無積實子數矣猛殺之人淫暴貪病之民乞請君行律度焉則民被刑辱而不從於主上此策乘馬之數亡也乘馬之准與天下齊准彼物輕則見泄重

則見射此國國相泄輕重之家相奪也至於王國則持流而止矣桓公曰何謂持流管子對曰有一人耕而五人食者有一人耕而四人食者有一人耕而三人食者有一人耕而二人食者此齊力而功地田策相圖此國策之時守也君不守以策則民且守於上此國策流已桓公曰乘馬之數盡於此乎管子對曰布織財物皆立其賞財物之賞與幣高下穀獨貴獨賤桓公曰何謂獨貴獨賤管子對曰穀重而萬物輕穀輕而萬物重公曰賤策乘馬之數奈何管子對曰郡縣上與之壤守之若干間壤守之若干下壤守之若干故相壤定籍而民不移振實補不足下樂上故以上壤之滿補下壤之衆章四時守諸開闢民之不移也如廢方於地此之謂策乘馬之數也

山權數

桓公問管子曰請問權數管子對曰天以時為權地以財為權人以力為權君以令為權失天之權則人地之權亡桓公曰何謂失天之權則人地之權亡管子對曰湯七年旱禹五年水民之無權賣子者湯以莊山之金鑄幣而贖民之無權賣子者禹以歷山之金鑄幣而贖民之無權賣子者故天權失人地之權皆失也故王者歲守十分之參三年與少半成歲三十一一年而藏十一年與少半藏參之一不足以傷民而農夫敬事力作故天毀地旱水洸民無入於溝壑乞請者也此守時以待天權之道也桓公曰善吾欲行三權之數為之奈何管子對曰梁山之陽精細夜石之幣天下無有管子曰以守國穀歲守一分以行五年國穀之重什倍異日管子曰請立幣國銅以

二年之粟顧之立黔落力重與天下調彼重則見射輕則見泄故與天下調泄者失權也見射者失策也不備天權下相求備准下陰相隸此刑罰之所起而亂之本也故平則不平民富則不如貧委積則虛矣此三權之失也已桓公曰守三權之數奈何管子

對曰大豐則藏分阨亦藏分桓公曰阨者所以益也何以藏分管子對曰隘則易益也一可以為十十可以為百以阨守豐阨之准數一上十豐之策數十去九則吾九為餘於數策豐則三權皆在君此之謂國權

桓公問於管子曰請問國制管子對曰國無制地有量桓公曰何謂國無制地有量管子對曰高田十石閒田五石庸田三石其餘皆屬諸荒田地量百畝一夫之力也粟賈一粟賈十粟賈三十粟賈百其在流策者百畝從中千畝之策也然則百乘從千乘也千乘從萬乘也故地無量國無策桓公曰善今欲為大國大國欲為天下不通權策其無能者矣

桓公曰今行權奈何管子對曰君通於廣狹之數不以狹畏廣通於輕重之數不以少畏多此國策之大者也桓公曰善蓋天下視海內長譽而無止為之有道乎管子對曰有曰軌守其數准平其流動於未形而守事已成物一也而十是九為用徐疾之數輕重之策也一可以為十十可以為百引十之半而藏四以五操事在君之決塞桓公曰何謂決塞管子對曰君不高仁則國不相被君不高慈孝則民簡其親而輕過此亂之至也則君請以國策十分之一者樹表置高鄉之孝子聘之幣孝子兄弟榮寡不與師旅之事

樹表置高而高仁慈孝財散而輕乘輕而守之以策則十之五有在上運五如行事如日月之終復此長有天下之道謂之准道

桓公問於管子曰請問教數管子對曰民之能明於農事者置之黃金一斤直食八石民之能蕃育六畜者置之黃金一斤直食八石民之能樹藝者置之黃金一斤直食八石民之能樹瓜瓠菓菜百果使蕃者置之黃金一斤直食八石民之能已民疾病者置之黃金一斤直食八石民之知時日歲且阨日某穀不登日某穀豐者置之黃金一斤直食八石民之通於蠶桑使蠶不疾病者皆置之黃金一斤直食八石

謹聽其言而藏之官使師旅之事無所與此國策之者也國用相靡而足相困撲而善然後置四限高下令之疾徐毆屏萬物守之以策有五官技桓公曰何謂五官技管子對曰詩者所以記物也時者所以記歲也春秋者所以記成敗也行者道民之利害也易者所以守凶吉成敗也卜者卜凶吉利害也民之能此者皆一馬之田一金之衣此使君不迷妄之數也六家者即見其時使豫先蚤開之日受之故君無失時無失策萬物興豐無失利遠占得失以為未教詩記人無失辭行殫道無失義易守禍福凶吉不相亂此謂君操策無失

山至數
桓公問管子曰請問幣乘馬管子對曰始取夫三大夫之家方六里而一乘二十七人而奉一乘幣乘馬者方六里田之美惡若干穀之多寡若干穀之貴賤若干凡方六里用幣若干穀之重用幣若干故幣乘

馬者布幣於國幣為一國陸地之數謂之幣乘馬桓公曰行幣乘馬之數奈何管子對曰士受資以幣大夫受邑以幣人馬受食以幣則一國之穀資在上幣資在下國穀什倍數也萬物財物去什二策也皮骨筋角羽毛竹箭器械財物符合於國器君用者皆有矩券於上君實鄉州藏焉日某月某日荷從責者鄉決州決故曰就庸一日而決國策出於穀執國之策貨幣乘馬者也今刀布藏於官府巧幣萬物輕重皆在賈之彼幣重而萬物輕幣輕而萬物重彼穀重而穀輕人君操穀幣金衡而天下可定也此守天下之數也

地數

桓公曰地數可得聞乎管子對曰地之東西二萬八千里南北二萬六千里其出水者八千里六十七山出鐵之山三千六百九山此之所以分壤樹穀也戈矛之所發刀幣之所起也能者有餘拙者不足封於泰山禪於梁父封禪之王七十二家得失之數皆在此內是謂國用桓公曰何謂得失之數皆在此管子對曰昔者桀竊有天下而用不足湯有七十里之薄而用有餘天非獨為湯雨菽粟而地非獨為湯出財物也伊尹善通移輕重開闢決塞通於高下徐疾之策坐起之費時也黃帝問於伯高曰吾欲陶天下而以爲一家爲之有道乎伯高對曰請刈其荒而樹之吾謹逃其蚤牙則天下可陶而爲一家黃帝曰此若言可得聞乎伯高對曰上有丹沙者下有黃金上有慈石者下有銅金上有陵石者下有鉛錫赤銅上有赭者下有鐵此山之見榮者也苟山之見其榮君謹

封而祭之距封十里而爲一壇是則使乘者下行行者趨若犯令者罪死不赦然則與折取之遠矣修教十年而萬廬之山發而出水金從之豈九受而制之以爲劍鎧矛戟是歲相兼者諸侯九雍狐之山發而出水金從之豈九受而制之以爲雍狐之戟芮戈是歲相兼者諸侯十二故天下之君頓戟一怒伏尸滿野此見戈之本也

桓公問於管子曰請問天財所出地利所在管子對曰山上有緒者其下有鐵上有鉛者其下有銀一曰上有鉛者其下有鈺銀上有丹沙者其下有鈺金上有慈石者其下有銅金此山之見榮者也荷山之見榮者謹封而爲禁有動封山者罪死而不赦有犯令者左足入左足斷右足入右足斷然則其與犯之遠矣此天財地利之所在也桓公問於管子曰以天財地利立功成名於天下者誰子也管子對曰文武是也桓公曰此若言何謂也管子對曰夫王起於牛氏邊山金起於汝漢之右洿珠起於赤野之末光此皆距周七千八百里其途遠而至難故先王各用於其重珠玉爲上幣黃金爲中幣刀布爲下幣令疾則黃金重令徐則黃金輕先王權度其號令之徐疾高下其中幣而制下上之用則文武是也

桓公問於管子曰吾欲守國財而毋稅於天下而外因天下可乎管子對曰可夫水激而流渠令疾而物重先王理其號令之徐疾內守國財而外因天下矣桓公問於管子曰其行事奈何管子對曰夫昔者武王有鉅橋之粟貴糴之數桓公曰爲之奈何管子對曰武王立重泉之戍令曰民自有百鼓之粟者不行

民舉所最粟以避重泉之戍而國穀二什倍鉅橋之粟亦二什倍武王以鉅橋之粟二什倍而市繒帛軍五歲毋籍衣於民以鉅橋之粟二什倍而衡黃金百萬終身毋籍於民准衡之數也

輕重丁石壁謀

桓公曰寡人欲西朝天子而賀獻不足爲此有數乎管子對曰請以令城陰里使其牆三重而門九鑿因使玉人刻石而爲壁尺者萬泉八寸者八千七寸者七千珪中四千環中五百璧之數已具管子西見天子曰弊邑之君欲率諸侯而朝先王之廟觀於周室請以令使天下諸侯朝先王之廟觀於周室者不得不以形弓石壁不以形弓石壁者不得入朝天子許之曰諾號令於天下天下諸侯載黃金珠玉五穀文采布泉輪齊以收石壁石壁流而之天下天下財物流而之齊故國八歲而無籍陰里之謀也

菁茅謀

桓公曰崢丘之戰民多稱貸負子息以給上之急度上之求寡人欲復業產此何以治管子對曰惟繆數爲可耳桓公曰請令左右州曰表稱貸之家皆望白其門而高其閭州通之師執折策曰君且使使者桓公使八使者式壁而聘之以給鹽菜之用稱貸之家皆齊首稽顙而問曰何以得此也使者曰君令曰寡人聞之詩曰愷悌君子民之父母也寡人有崢丘之戰吾聞子假貸吾貧朝使有以給寡人之急度寡人之求使吾萌春有以俸租夏有以決芸而給上事子之力也是以式壁而聘子以給鹽菜之用故子中民之父母也稱貸之家皆折其券而削其書發其積藏

出其財物以賑貧病分其故貨故國中大給崢丘之謀也此之謂繆數

節用上

聖人爲政一國一國可倍也大之爲政天下天下可倍也其倍之非外取地也因其國家去其無足以倍之聖王爲政其發令典事便民用財也無不加用而爲者是故用財不費民德不勞其典利多矣其爲衣裘何以爲冬以圍寒夏以圍暑凡爲衣裳之道冬加溫夏加清者芊組不加者去之其爲宮室何以爲冬以圍風寒夏以圍暑雨有盜賊加固者芊組不加者去之其爲甲盾五兵何以爲以圍寇亂盜賊若有寇亂盜賊有甲盾五兵者勝無有不勝是故聖人作爲甲盾五兵凡爲甲盾五兵加輕以利堅而難折者芊組不加者去之其爲舟車何以爲車以行陸陸舟以行川谷以通四方之利凡爲舟車之道加輕以利者芊組不加者去之凡其爲此物也無加用而爲者是故用財不費民德不勞其典利多有去大人之好聚珠玉鳥獸犬馬以益衣裘宮室甲盾五兵舟車之數於數倍乎若則不難故孰爲難倍唯人爲難倍然人有可倍也昔聖王爲法曰丈夫年二十毋敢不處家女子年十五毋敢不事人此聖王之法也聖王既沒於民大也其欲蚤處家者有所二十年處家其欲晚處家者有所四十年處家以其蚤與其晚相踐後聖王之法十年若純三年而字子生可以二三年矣此不惟使民蚤處家而可以倍與且不然已今天下爲政者其所以寡人之道多其使民勞其籍微厚民財

不足凍餓死者不可勝數也且大人惟母與師以攻伐鄰國入者經年速者數月男女久不相見此所以寡人之道也與居處不安飲食不時作疾病死者有與侵就侵襲攻城野戰死者不可勝數此不令為政者所以寡人之道數術而起與聖人為政特無此不聖人為政其所以衆人之道亦數術而起與故子墨子曰去無用之聖王之道天下之大利也

與無字

節用中

子墨子言曰古者明王聖人所以王天下正諸侯者彼其愛民謹忠利民謹厚忠信相連又示之以利是以終身不繫歿二十而不卷古者明王聖人其所以王天下正諸侯者此也是故古者聖王制爲節用之法曰凡天下羣百工輪車輶輶陶冶梓匠使各從事其所能曰凡足以奉給民用諸加費不加民利則止古者聖王制爲飲食之法曰足以充虛繼氣強股肱耳目聰明則止不極五味之調芬香之和和不致遠國珍恢異物何以知其然古者堯治天下南撫交趾北降幽都東西至日所出入莫不賓服建至其厚愛黍稷不二羹藟不重飲於土墻啜於土形斗以酌俯仰周旋威儀之禮聖王弗爲古者聖王制爲衣服之法曰冬服紺緇之衣輕且暖夏服絺綌之衣輕且清則止諸加費不加於民利者聖王弗爲古者聖王爲猛禽殺獸暴人害民於是教民以兵行日帶劍爲刺則入擊則斷旁擊而不折此劍之利也甲爲衣則輕且利動則兵且從此甲之利也車爲服重致遠乘之則安引之則利安以不傷人利以速至此車之利也古者聖王爲大川廣谷之不可濟於是利爲舟楫足以

將之則止雖止者三公諸侯至舟楫不易津人不飾此舟之利也古者聖王制爲節葬之法曰衣三領足以朽肉棺三寸足以朽骸堀穴深不通於泉流不發洩則止死者既葬生者母久喪用哀古者人之始生未有宮室之時因陵丘堀穴而處焉聖王慮之以爲堀穴曰冬可以辟風寒建夏下潤濕上重悉恐傷民之氣於是作爲宮室而利然則爲宮室之法將奈何哉子墨子言曰其旁可以圍風寒上可以圍雪霜雨露其中蠲潔可以祭祀宮牆足以爲男女之別則止諸加費不加民利者聖王弗爲

韓非子

大反

今學者皆道書策之頌語不察當世之實事曰上不愛民賦斂常重則用不足而下恐上故天下大亂此以爲足其財用以加愛焉雖輕刑罰可以治也此言不然矣凡人之取重賞罰固已足之之後也雖財用足而厚愛之然而輕刑罰之亂也夫當家之愛子財貨足用足則輕用輕用則修泰親愛之則不忍不忍則驕恣侈泰則家貧驕恣則行暴此則財用足而受厚輕利之患也凡人之生也財用足則墮於用力上治儒則肆於爲非財用足而力作者神農也上治儒而行修者曾史也夫民之不及神農曾史亦明矣

淮南子

本經訓

神明定於天下而心反其初心反其初而民性善民性善而天地陰陽從而包之則財足財足而人贍矣

主衡訓

君人之道處靜以修身儉約以率下靜則下不擾矣儉則民不怨矣下擾則政亂民怨則德薄政亂則賢者不爲謀德薄則勇者不爲死是故人主好驚鳥猛獸珍怪奇物殺蹂康荒不愛民力馳騁田獵出入不時如此則百官務亂事勤財匱萬民愁苦生業不修矣人主好高臺深池雕琢刻鏤黼黻文章綳綳綺繡寶玩珠玉則賦斂無度而萬民力竭矣竟之有天下也非貪萬人之富而安人主之位也以爲百姓力征強陵弱衆暴寡於是堯乃身服節儉之行而明相愛之仁以和輯之是故茅茨不翦采椽不斲大路不畫越席不緣大羹不和素食不數巡待行教勤勞天下周流五嶽豈其奉養不足樂哉舉天下而以爲社稷非有利焉年哀志憫舉天下而傳之舜猶却行而脫蹤也衰世則不然一日而有天下之富處人君之勢則竭百姓之力以奉耳目志專在於宮室臺榭陂池苑囿猛獸熊羆玩好珍怪是故貧民糟糠不接於口而虎狼熊羆厭餒餓羣百姓褐褐不完而宮室衣繡人主急茲無用之功百姓黎民顛頓於天下是故使天下不安其性

泰族訓

爲治之本務在寧民寧民之本在於足用足用之本在於勿奪時勿奪時之本在於省事省事之本在於節用節用之本在於反性未有能搖其本而靜其末濁其源而清其流者也

杜佑通典

輕重論

昔我國家之全盛也約計歲之恆賦錢穀布帛五千